



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

**Bellarmino, Roberto Francesco Romolo <Heiliger>**

**Ingolstadii, 1599**

**VD16 B 1607**

XVI. De quibusdam partibus librorum Marci, Lucæ, Ioannis.

[urn:nbn:de:hbz:466:1-53828](https://nbn-resolving.de/urn/resolver.pl?urn=urn:nbn:de:hbz:466:1-53828)

## CAPVT XVI.

De quibusdam partibus librorum Marci,  
Lucae, Ioannis.

**M**LTIMVM caput Marci tempore B. Hieronymi non fuisse ab omnibus receptum ut canonicum, patet ex epist. ad Hedibiam q. 3. Causa dubitationis erat propter quædā verba apocrypha, quæ in isto vlt. cap. inserta erant, vt patet ex Hieron. lib. 2. contra Pelagianos ante medium. Hæc enim inserta erant verba, quæ satis apertè Manichæismum redolent. (Et illi satisfaciebant, dicentes, seculum istud iniquitatis, & incredulitatis substantia est: qua non sinit per immundos spiritus veram Dei apprehendit virtutem, idcirco iam nunc reuelata iustitiam tuam.) Nunc nobis dubitare non licet: nam Concil. Trid. sess. 4. iubet libros integros recipi cum omnibus suis partibus, vt in Ecclesia Catholica legi consueuerunt: legitur autem caput hoc in diebus celeberrimis Resurrectionis & Ascensionis, & idem exponitur à Beda, & à B. Gregorio homil. 21. & 29 in Euangelia. Athanasius etiam in synopsi; in summa Euangelij secundum Marcum hoc caput vt verè Marci agnoscit, & similiter Augustinus lib. 3. de consensu Euang. cap. 24. Denique incredibile est Marci Euangelium ita mutilum, & truncum esse, vt nihil de resurrectione contineat. Adde, quod etiam Caluinus cap. 17. §. 47. instit. hoc vltimum caput Marci admittit, vt partem Euangelij: vt non sit opus in hac re probanda diutius laborare.

Ex CAPITE 22. Lucæ, quidam in dubium reuocant histriam illam de sudore Christi sanguineo, & angelica appari-  
tione, & consolatione; vt Hilarius testatur lib. 10. de Trinit. & Hieronymus lib. 2. cōtra Pelagianos. Causa, quæ hos per-  
mouit ea fuit, ne Christo infirmitatem, & animi dolorem tri-  
buere viderentur. Qua etiam de causa quosdam Catholicos  
præpostero zelo e suis codicibus ex illis verbis Luc. 19. *Videns  
cruitatem fleuit super illam, abrasisse verbum flesuit,* testatur  
Epiph. in ancorato. At certè isti timuerunt ubi nō erat timor.  
Si enim Christus vt homo, potuit imminente passione pau-  
re & tædere, vt etiam Matth. cap. 26. & Marc. cap. 14. testan-  
tur: cur non potuit eadem ratione sudare, & angelicam con-  
solatio-

solationem admittere? & si corpus habuit passibile, & animā sentientem, cur non potuit dolere & flere? Itaque ATHANASIVS lib. 6. ad Theophilum, qui est de beatitudine filij Dei, anathema dicit iis, qui Christum sanguinem sudasse negant. Epiphanius quoque in ancorato, & Augustinus lib. 3. de consensu Euangel. cap. 4. hunc locum Lucæ, ut Euangelicum agnoscunt: neque Hilarius, & Hieronymus locis citatis contrarium docent, sed tantum monent, non in omnibus codicibus suo tempore fuisse, & propterea non ita certæ fidei habitum.

INITIUM CAPITIS 8. Ioannis, quo adulteræ historia continetur, non fuisse olim certæ fidei, Erasmus docet in annotatione huius loci, ex Eusebio lib. 3. hist. cap. 39. vbi sic dicit de Papia loquens: Historiam quandam subiungit de muliere adultera, quæ accusata est à Iudeis apud Dominum, habetur autem in Euangelio quod dicitur secundum Hebreos scripta ista parabola. Quibus verbis aperte indicat, se nō vidisse eam historiam in Euangelio Ioannis: & sibi non tam historiam, quam parabolam videri. Nihilominus tamen dubium esse non debet, quin ea & historia sit, & Euangelica, cùm legatur in Ecclesia in sabbato post Dominicam III. quadragesimæ, & eam agnoscant grauissimi Patres Graeci & Latini: Ammonius Alexandrinus in suo monostessaro Euangelico, Athanasius in synopsi in compendio Euangeli Ioannis, Chrysostomus hom. 60. in Ioānem, Ambrosius in epist. 58. lib. 7. ad Studium, Hieronymus lib. 2. contra Pelagianos, & Augustinus tract. 33. in Ioannem. Idem quoque August. lib. 2. de adulterinis coniugiis, cap. 7. eam historiam ab inimicis veræ fidei erasam fuisse de nonnullis codicibus dicit.

Neque causæ nostræ officit, sed prodest potius quod Eusebius scribit Papiam Ioannis discipulum huius historiæ minimisse: id enim signum est rem esse veram. Quod autem eam Eusebius in suo codice Euangeli nō habuerit, parum refert, fortè enim ab aliquo erasa erat. Adde quod probabile est, Eusebium non loqui de hac historia adulteræ, sed de alia verè apocrypha; nam in textu Græco Eusebii non habetur nomen adulteræ, sed ταῦται γυναικὸς ὅπερι πολλᾶς ἀμαρτίας διαλέγονται.

De

De verbis illis, quæ habentur cap. vlt. epist. I. Ioannis: TRE  
 sunt qui testimonium dant in celo, Pater, Verbum, & Spiritus sanctus, & hi tres unum sunt; dubium aliquando existit, se, & nunc etiam esse debere, longa oratione contendit Erasmus in annotatione huius loci. At certè in Ecclesia publicè leguntur hæc verba in Dominica in Albis. Eundem locum agnoscit Cyprianus lib. de simplicitate prælatorum, Athanasius lib. I. ad Theophilum, qui est de unitate Deitatis, Ioannes II. Papa in epist. ad Valerium, Hieronymus in prologo epistolarum canonicarum, Idacius in lib. aduersus Varimadum, & Eugenius Carthaginensis apud Victorem lib. 2. de persecutione Wandalica, quare verba illa veram esse partem Scripturæ diuinæ, non dubium est.

## CAPVT XVII.

*De epistola ad Hebreos.*

**D**IVPLEX dubitatio de hac epistola fuit, una de auctore, altera de auctoritate eius; quæ tamen ita connexæ sunt, ut pauci sint, qui de uno dubitarent, & non de altero. Primum igitur ex antiquis hæreticis Marcion, teste Hieron. præfat. in epist. ad Titum, & Arius, teste Theodoreto, præfatione in epist. ad Hebreos, epistolam ad Hebreos neque Pauli esse, neque sacram docebant. Ex nouis hæreticis Lutherus in prologo epist. ad Hebreos, hanc epistolam nec esse Pauli, nec nullius Apostoli contendit, quodquædam contineat contra Euangelicam & Apostolicam doctrinam. Lutero subscribit Brentius in confessione Wirtenberg. cap. de sacra Scriptura, & Kemnitius in exam. 4. sess. Concil. Trident. Magdeburgenses quoq; cent. I. lib. 2. cap. 4. colum. 55. & alij huius temporis hæretici, exceptis Caluinistis; Caluinus enim in instit. impressâ anno 1554. c. 8. §. 216. contendit hanc epistolam esse verè Apostolicam, & errare in hac parte Lutheranos, tamen an Pauli sit, an alterius Apostoli, ut Barnabæ, aut Lucæ, dubitat Caluinus, ut patet ex eadem instit. cap. 10. §. 83. & cap. 16. §. 25, quoç circa Ministri Caluinistæ in ea confessione quam obtulerunt Pissiaci, artic. 3. ponunt hanc epistolam in numerum diuinarum Scripturarum, sed tanquam auctoris incerti.

Præter